

Sakspapir

Saksbehandlar	Arkiv	ArkivsakID
Sveinung Toft	FA - K40	16/355

Saknr	Utval	Type	Dato
029/2016	Kommunestyret	PS	28.04.2016

Samarbeidsavtale om administrativt vertskommunesamarbeid innanfor felles bestandsplanområde for hjort i Gulen og Masfjorden kommune

Vedlegg:

Journalposttittel	Dato
BESTANDSPLAN GULEN_MASFJORDEN_2016-2018	21.04.2016
Samarbeidsavtale om forvaltning innanfor felles bestandsplan for hjort i Gulen og Masfjorden 21.april 2016	21.04.2016
GULEN OG MASFJORDEN BSTANDSPLANOMRÅDE	21.04.2016

Rådmannen sitt framlegg til vedtak:

Masfjorden kommune godkjenner vedlagde framlegg til samarbeidsavtale om administrativt vertskommunesamarbeid innanfor felles bestandsplanområde for hjort i Gulen og Masfjorden kommune.

Rådmannen får fullmalt til å gjera mindre revideringar i avtalen om det skulle verta naudsynt.

Saksopplysningar:

Bakgrunn og fakta:

Leiar i Gulen og Masfjorden bestandsplanområde, Jarle Nordgulen, har i brev dagsett 04.04.2016 til både Gulen kommune og Masfjorden kommune skrive at han ønskjer at Masfjorden tek opp igjen saka om godkjenning av felles bestandsplanområde for hjort på nordsida av Masfjorden. Det vert i brevet vist til at Masfjorden kommune i kommunestyre våren 2015 ikkje godkjente bestandsplanen for 2015 til 2017. I brevet skriv han om prosessane som har vore med mange møter og at alle vald i Gulen kommune og 23 vald på nordsida av Masfjorden har vore invitert inn til å delta i felles bestandplanarbeid for forvaltning av hjort. Vidare viser han til at det den 19.05.2015 hadde 15 hjortevald i Gulen skrive under på innmeldingserklæringar og 5 vald i Masfjorden kommune. I Gulen kommune vart bestandsplanen godkjent i kommunestyremøte den 12.06.2015.

I brevet vert det vidare vist til hjorteviltforskrifta sin § 17 om bestandsplanområde og bestandsplanar over kommunegrensar, og litt om regelverket knytt til denne paragrafen og elles i

hjorteviltforskriftene.

Rådmannen vil vise til at søknaden om godkjenning av bestandsplan for Gulen/Masfjorden vart handsama i kommunestyret den 18.06.2015, sak 044/2015 og at det der vart gjort følgjande vedtak:

**KS - vedtak: Masfjorden kommune tar bestandsplanen 2015-2017 til orientering.
Masfjorden kommune tildeler løyve til vald i eigen kommune.
Grunngjeving: Masfjorden kommune plikter å sjå på heile kommunen under eitt. Når bestandsdelsplanen ikkje omfavnar heile Masfjorden so er det å føretrekkja at Masfjorden kommune sjølv tildeler løyve i egne vald.**

Det er no sendt over framlegg til ny bestandsplan for perioden 2016 – 2018, og i hjorteviltforskrifta er fristen for kommunar til å godkjenne slike planar sett til 15.juni. Denne saka handlar om det formelle knytt til om Masfjorden kommune skal inngå eigen samarbeidsavtale med Gulen kommune om felles forvaltning av hjort innanfor det felles bestandsplanområdet som no er definert i bestandsplanen på side 4. Ved inngåing av slik avtale gjev Masfjorden kommune formell kompetanse til Gulen kommune om å forvalta hjorten og hjortevalda som høyrer til bestandsplanområdet, slik det står i § 17 i hjorteviltforskrifta:

«§ 17.Vald, bestandsplanområde og bestandsplan over kommunegrenser

Søknad om godkjenning av vald, bestandsplanområde og bestandsplan som berører flere kommuner, sendes den kommunen der den største delen av det tellende arealet ligger, om ikke annet er bestemt. Denne kommunen godkjenner og forvalter slike vald, bestandsplanområder og bestandsplaner i samsvar med bestemmelser som gjelder i sin kommune.

En forutsetning for samarbeid etter første ledd, er at alle berørte kommuner har gitt sitt samtykke til dette i henhold til kommuneloven.»

På bakgrunn av ynsket frå Gulen og Masfjorden bestandsplanområdet har administrasjonane i Gulen og Masfjorden laga framlegg til samarbeidsavtale om interkommunalt samarbeid innanfor bestandsplanområdet, sjå vedlegg. Avtalen er i sin form bygd opp rundt kommunelova og hjorteviltforskrifta sin § 17. Den seier og noko om fellingsavgiftene og korleis kostnadane med administrasjon skal dekkast. Det kjem og klart fram at det administrative samarbeidet berre gjeld hjortevald som har slutta seg til Gulen og Masfjorden bestandsplanområde (sjå vedlagt kart), og då med underskriven innmeldingserklæring.

Vurdering:

Rådmannen meiner det er både fordeler og ulemper ved å overføre slik kompetanse som § 17 opnar for. Ei ulempe er at viltforvaltninga i Masfjorden vil verta meir fragmentert, ved at kommunen ikkje har heile ansvaret for alt som gjeld hjorteviltet innanfor kommunen sine grenser. Etter regelverket skal fellingsavgiftene fordelast høvesvis mellom kommunane innanfor bestandsplanområdet, og for den administrative kommunen vil det medføre litt ekstraarbeid knytt til å haløda god oversikt og rapportera vidare til Masfjorden kommune med fleire.

På den andre sida vil inngåing av eit vertskommunesamarbeid medføre forenkling for administrasjonen opp mot hjortevalda, spesielt vil dette gjelde for den kommunen som gjev frå seg mynde. Ein kan og få på plass eit meir grunneigarorientert engasjement og samarbeid knytt til hjorteviltforvaltninga innanfor det store bestandsplanområdet. Det kan gje grunneigarane i dette store området eit sterkare eigarskap til viktige beslutningar knytt til både hjortebestandsmål og korleis desse kan oppfyllast. Ei måloppnåing her vil i stor grad vera avhengig av arbeidet som skjer i og rundt styret til Gulen og Masfjorden bestandsplanområde.

I hjorteviltforskrifta sin § 18 står det m.a. følgjande om tildeling av fellingsløyver i godkjente vald og innanfor godkjente bestandsplanområde.

«§ 18. Fellingstillatelse for elg og hjort

Kommunen tildeler årlig fellingstillatelser for elg og hjort til godkjente vald med et tellende areal som minimum tilsvarer minstearealet. Fellingstillatelsen gjelder innenfor det godkjente valdet.

For vald eller bestandsplanområder med godkjent bestandsplan skal fellingstillatelsene vise antall dyr uten spesifisering på alder og kjønn, og avskytningen skal utføres i samsvar med alder og kjønn i godkjent bestandsplan. For bestandsplanområder tildeles fellingstillatelsene hvert enkelt vald»

Det betyr at innanfor bestandsplanområdet, og for dei valda som skiftleg har meldt seg inn i planområdet, vert tildelinga til dei einskilde valda gjort av styret i bestandsområdet etter at kommunen først har gjeve fellingsløyve i samsvar med godkjent bestandsplan.

Invitasjonen til samarbeid vil medføra felles administrasjon om forvaltning av hjort innanfor bestandsplanområdet. Rådmannen meiner det er mest ryddig for eigne innbyggjarar at kommunestyret innskrenkar overføringa av mynde berre til dei hjortevalda, som ved skriftleg innmelding har slutta seg til bestandsplanområdet for Gulen og Masfjorden. Det betyr at overføringane av mynde i høve fellingsløyver vil gjelda fem hjortevald i Masfjorden i år. Om det skulle koma fleire innmeldingar vil dette kunna auka seinare år. Det som er viktig er at Masfjorden kommune i god tid kvart år får oppdatert liste frå Gulen kommune om kva vald dette gjeld. Hjortevalda i Masfjorden kan og melde seg ut av bestandsplanområdet i samsvar med reglane gjeve i § 14 i hjorteviltforskrifta, og då vil mynden gå tilbake til Masfjorden kommune.

Nedunder vert det vist til kommunelova sin § 28-1b sine punkt 3 til 6. Her står det følgjande:

«3. Delegasjon av myndighet som nevnt i nr. 1 skjer ved at kommunestyret eller fylkestinget selv gir instruks til egen administrasjonssjef om delegasjon til administrasjonssjefen i vertskommunen.

4. Folkevalgte organer i vertskommunen har ikke instruksjons- eller omgjøringsmyndighet der delegasjon er skjedd i samsvar med nr. 3.

5. En samarbeidskommune kan gi vertskommunen instruks om utøvelsen av den delegerte myndighet i saker som alene gjelder samarbeidskommunen eller berørte innbyggere.

6. For vedtak vertskommunen treffer etter delegasjon fra en samarbeidskommune, har samarbeidskommunen samme omgjøringsmyndighet som etter forvaltningsloven § 35 første ledd.»

Vidare kjem det fram av kommunelova sin § 28-1e at det må inngåast eigen skriftleg samarbeidsavtale før vertskommunesamarbeidet kan byrja å gjelda, sjå nedunder

§ 28-1e Samarbeidsavtalen

1. For et vertskommunesamarbeid skal det opprettes en skriftlig samarbeidsavtale. Avtalen vedtas av kommunestyret eller fylkestinget selv. Endringer i avtalen som gjelder forhold som omtalt i nr. 2 og 3, skal skje på samme måte.

Ved å inngå ein samarbeidsavtale om felles forvaltning innanfor felles bestandsplanområde gjev kommunestyret i Masfjorden instruks til rådmannen om å delegera mynde til rådmannen i

vertskommunen Gulen. Masfjorden kan når som helst ta den delegerte mynden tilbake. Folkevalde organ i Gulen kommune kan heller ikkje instruere korleis ei sak skal løysast, eller gjera om vedtak som vert gjort i Gulen kommune på vegne av Masfjorden kommune.

Denne samarbeidsavtalen må godkjennast av begge kommunestyra for å verta gjort gjeldande, og må underskrivast av ordførarane.

Konklusjon:

Rådmannen rår til at det i medhald av kommunelova sin § 28-1e vert inngått ein samarbeidsavtale med Gulen kommune om overføring av mynde i medhald av hjorteveltforskrifta sin § 17, og viser til avtaleteksten i vedlegget. Avtalen vert gjort gjeldande så snart begge kommunestyra har godkjent denne.

Kommunestyret - 029/2016

KS - behandling:

Ordførar orienterte kort og saka vart drøfta.

Leiar i teknisk utval John Torsvik (H) forklarte litt om bakgrunnen for saka.

Framlegg til vedtak vart samrøystes vedteke.

KS - vedtak:

Masfjorden kommune godkjenner vedlagde framlegg til samarbeidsavtale om administrativt vertskommunesamarbeid innanfor felles bestandsplanområde for hjort i Gulen og Masfjorden kommune.

Rådmannen får fullmakt til å gjera mindre revideringar i avtalen om det skulle verta naudsynt.